

EXAMINATIONS COUNCIL OF ZAMBIA

Examination for General Certificate of Education Ordinary Level

Icibemba

3153/2

Ipeepala Iya Cibili

Wednesday

9 AUGUST 2017

Ifyakubomfya nafimbi: Buukuleti wa maasuko

Inshita: Insa Shibili

Ifipoope ku Baleelemba Amashindano

Lemba ishina lyobe, inambala ya cifulo uleelembelapo elyo ne nambala yoobe mu mipokapoka iili muli buukuleti wakulembamo amaasuko.

Ili ipeepala likwete ifipande fine (4). Waasuke ameepusho yonse muli cila cipande.

Ubelenge ifipoope ifilipamo na meepusho ku lubali lumbi ulwa ili peepala.

Ulembe amaaasuko muli bukuleti wa kwasukilamo uo bakupeelee. Nga caakuti uleelemba amaasuko ukucila pali bukuleti umo, aya mabukuleti uyabiike nokuyakakila pamo.

Iciishibisho ku Baleelemba Amashindano.

Amatoni ayaleepeelwa pali cila liipusho naayalembwa pa mpela mu tushilwa ngeefi [].

Tumusange taatwasuminishiwa mu mashindano.

ICIPANDE CABUMO – UKUPILIBWILA ILYASHI MU CIBEMBA [20]

Pilibwila ili lyashi mu Cibemba.

The happiest moments of our lives come when we accomplish something that we never expected. The unexpected, however, to be appreciated, should be the resultant of our personal efforts. I remember when I was still in Grade 10 how I used to fail in almost all the subjects. In Grade 11, my performance became even worse. There was no single subject in which I got above 50%. I was never free to mingle with my peers especially when they would bring in school related stories.

It was during the December holiday that I sat down and reflected. I thought about how my parents had suffered and sacrificed a lot just to see me forge ahead with my school. This was my turning point. I could not wait for schools to re-open. My final year surprised many. Both the teachers and my fellow learners were very amazed at my performance. Here I am, studying medicine at the University of Zambia.

ICIPANDE CABUBILI: UKUSUPAWILA UMULANDU. [20]

Belenga uyu mulandu elyo wasuke ilipusho ilikonkelepo mukusupawila.

Yesu aebele abafundwa bakwe ati: mwilatontokanya ukuti naisa kukufumyapo imbila na Bakasobela: teekufumyapo naishila, kuufikilisha. Pakuti umuulu ne caalo fikapite tapakoonaike akacilembo kamo nangu akalitoni pa mbila, fikacitikwa fye fyonse. Kanshi uyo onse ukufumyapo cimo pali ifi fyebo, neelyo cingaceepa shaani, aleefunda na bantu ifyo fiine, akeetwa uwaceepesha mu bufumu bwa mu muulu; nomba ukafisunga nookufifuunda, eena akeetwa umukalamba mu bufumu bwa mu muulu. Pantu namweeba naati ubulungami bwenu nga tabucilile ubwa bakaleemba na bafalisei, ninshi tamwakengile mubufumu bwa mu muulu nakalya.

Mwalitesha ifyo caebelwe ku baakale ukuti: Wilaipaya, uwaipaya alingile baamupesha mwilubululo. Nomba ine namweba naati; Uyo onse uwafuililwa munyina alingile baamupesha mwilubululo; ukumfwa uwaeba munyina ati: We cipupa we, eena alingile baamupesha mpaka na ku cilye cikalamba. Nomba uwamweeba ati. We kapoondo we, eena alingile ukupooswa mu mulilo wape. Kanshi ngawatwaala ubupe ku bulambo, elyo waibukisha ukuti munoonko ali neecintu kumukoshi kuli iwe, ushe ubupe boobe kulya kwine ku bulambo, ubweelelemo, muyewikishanya na munoonko nga wise uleke umutuulo oobe. Mumfwane bwangu-bwangu no mulwani oobe ilyo mucili nankwe munshila eepali lilya mwafika aakupoosa kuli kaputula wamilandu, nao kaputula wamilandu aa kupoosa kuli ntuulwa, nao aakupoosa mucifungo.

Mwalyumfwa ifyo basosele abakale abati: Wilabembuka. Nomba ine namweba naati: uyo onse uwalolesha umwanakashi pakuti amukumbwe, ninshi naabembuka nankwe mumutima wakwe. Kabili casoselwe ukuti: Uwatamfya umukashi ali nokumupeela kalata wa kumulekelapo. Leelo ine namweba naati: uyo onse uwatamfya umukashi, kano pa

mulandu wa bulaale-laale, amupoosa mu lubembu; kabili uwaupa uo baataamfya, nao aacita ulubembu.

(Ukufuma mu Cipingo: Mateo 5:17-32).

Ale nomba asuka ilipusho ili.

Uli mufundwa wakwa Yesu. Elyo wapwishafye ukumfwa aya mafunde. Ale nomba mukusupawila shimikila abashacisangwako amafunde ayakalamba ayali muli uyu mulandu. Tendeka ngeefi: Yesu acitiila twilatontokanya ukuti

.....

IFIPOOPE

- (i) Ubulondoloshi boobe bwicila pamashiwi uwanda umo na makumi yabili (120).
- (ii) Ulembe icipendo cabwingi bwa mashwi walaboomfya pampela ya bulondoloshi boobe.

ICIPANDE CABUTATU – UKUBELENGA NA UKUMFWIKISHA [30]

Belenga uyu mulandu peesamba elyo wasuke ameepusho ayakonkelepo yonse. [30]

- 1 Ba mukayama abo naleeikalako baali bankalwe saana. Ilingi kuti bekalilefye ukunjebaula apabula neefyo ncitile. Kabili ilingi ba yama nga baalifumapo baaliya mukubombela kumbi, naleecuula saana kukulya ico baalentana ifya kulya. Ilingi balentuma neeka ku cisankaano mukushita ifyakulya. Umwana wabo nga ati anshindike tuye nankwe, baamulesha abati, "Shaala, tamwabweele bwangu nga mwaya bonse."Kanshi nga naaya ifyo, bashaala baapekanya icakulya bwangu-bwangu, bantana, baalya. Pakuti mbweeleko, kuusanga fye na imbale naabasamfya. Ine kuulalaafye nomunwe mukunwa.
- 2 Limo-limo umwana wabo umukashana eewaleenjufwilako uluse. Kuti nasanga namfishilako utwakulya. Nalyo nga baishiba ukuti eefyo acitile ninshi alepumwa nga iyalya amani. Kanshi nga nalaala na iyakuluka umulopa naleelanguluka nati ciine-ciine uwatiile nokowamubiyo teekatilwa palwino, aalilungiike. Kabili nga bwaca niifyo fine kulantumaishafye mukushita ifilyo ifyo nshaise ndye nako. Nomba ifi fyonse naleefilwa ukwebako bayama ico naleetiina ukutiila limbi bakula umanina paliine, pantu bayama beena baalintemenwe saana. Icalundilemo niico bayama nabo baleenwa saana, nenshita ishingwi tabaleesangwa pa njanda. Kanshi nga nabaya mukunwa, baaleebwelafye ubushiku pakati nangu ku maca.
- 3 Tabaleesakamana inshita baleebwelelapo, nangu ni ku maca, ninshi mu njanda mwaisa kaba nasee ku congo. Limbi baaleeisa mu kutushibusha bonse mu njanda pakuti tulebeembila inyimbo baatemenwe, elyo baleecinda. Nga teifyo, ninshi kuti batampa ukulisha icilimba, baaciswisha saana, elyo baleecinda beeka, neecilitooshi na citentemuka, na ciboomba na pantashi. Bamukayama nga baati

balandeko, ninshi balebauusa ishiine-shiine, teeti batiine na fwebaana nakalya. Nga capusa mpunga baaleebomina napo.

- 4** Natontonkenye naati mukwikala kwamusango uyu, kuti waiba kunsala, kanshi kandeya ku mushi. Ku mushi naile ikalako imyaka itatu. Nomba nako kwine ubucuushi eko bwali. Bataata ilyo baalekele incito, tabaalekele ne ndalama ishingwi. Kanshi twaleelimafye neenkasu. Utupiya uto twine bataata baakwete baashitilemofye imbuto no mufundo, nookukuba twakuba, eico twalilifilwe ukulima apakuti pafunguluke. Elyo bataata nabo ubulimi capalile kwati tababwishibe iyoo, twaleelimafye icilime-lime, kanshi neefyo twaleesombola fyaleelingafye ifyakulya pa ganda fwe beene eepela. Kanshi ubwikashi ku mushi nabo bwali bwakucucutikafye. Nomba ifi twabeelele ubwikashi bwa mu kalaale, natiilefye kambwelele ku miikalile ya bucuushi kuli bayama. Mayo wesu, kanshi naisa ileetelela. Ifyo caali niifi twaishiletoolana na Chisenga nao ananga nababiye bambi abo aaleyangala nabo ifi. Uyu munandi aaleefika kuli fwaka mukalamba. Nao uwamulangile ukupeepa ni Chola. Ubushiku bumo Chisenga aasokele fwaka mwipeepala elyo anjeba ukuti mpeepeko. Cilya natiila nati awe bane nshipeepa, bonse baasowesha abati aatase, kanshi taulingile ukuba umunensu. Nalolesha Chikonde nati ifi eena muukalamba aalabakalipila, aawe nakalya, aasontafye umunwe ku mushi ati tutaluke, ii itambalele. Lilya nati nkakamuke, Mwila ati iyoo bane, nga aaya ukwabula ukupeepako, aleeya tuseba, natumupatikishefye. Chibamba ati palama, abalya imbulu balapalamana. Nati mfulumuke, Chewe angwa na pamubili, paaba na tintili-tintili, uku ninshi baleengweela.
- 5** Nomba ico naumfwa abanandi baalanseka, insoni shanjikata. Elyo nati pakuti mpwishe insoni, kabili napakuti abanandi bampokelele ngo munaabo wa ciine peebumba lyabuukapeepa, nasukile napoka umushanga wa camba; napeepako, umuku umo, naumfwa ifyo naleepeepa fyalapooka, necushi caalatapata mu myona. Nati bane nomba caapwa. Mpange ati iyoo, uleekula umweo pamo neecushi ilyo ulepeepa, elyo uleemina no kumina. Natwaliliile ukupeepa ifyo fiine, wasuka nomushanga wapwa. Chileshe andetela amenshi ati nwa, naine nanwa. Abanandi banjeba ukuti tuye apaali umupompi wa menshi, awe epo twaya. Nakatunga atoola icikopo icaali pa pompi icaafiko saana, emo aatapila amenshi sululu ati nwa. Nookuti nsakamane ubusaali nakalya, naapoka, naanwa, naapwa. Bantapwila nayambi, nayo naapwa. Apo peene naisa puuka na munseko naalaseka saana. Kuti uyu anjeba ifi, naacita. Uyu nao anjeba ati cita fyakuti, ifyo fiine nabeela kwati cipuba. Apo abanandi ninshi nabafwa ku nseko. Nga ni ka Lupiya keena, kuti kaleeishilafye mu maloba pakunseka, naine nga naakalokesha, elyo naacilamo ukuseka. Ifi fiine eflyo caleeba, lyoonse nga twapeepa twa leesangukafye kwati fiipuba atemwa amashilu.

- 6 Ala bane cabulanda, nomba elyo njiseka kufyo twaleecita. Liibange lyakushimikilwa; talyawama, liloona. Fino ndeelanda, abanandi babili bali ku cipataala camashilu ku Chainama, baalipena, baabafye icibeebebe. Umbi nao aafwile uyu mulungu wapwile. Ena panuma ya kupeepa, kuubutukila mu musebo wa myotoka ukuti atampe ukwikata imyotoka shaleepita. Efyo motoka umo aishile mupunka pakati ka musebo aapitapo nookupita. Aafwiliilefye apo peene. Ino nshita ibange nditiina icibi pantu nalimona ukuti bambi libasangula ifipuba, bambi libatwala ku lubuli bambi abalinga ine libatwala kukwibila abantu, elyo nemisangofye imbi iishawama. Mbula kulaapeepa, nga nshili na muno mu cifuungo. Kanshi mwebashilapeepapo ibange, mwalishuka kabili mwikatala amweesha.

(Natwalulamo fimo-fimo, leelo ilyashi lyonse lifumine mu Citabo Sheli Wacibili icalembwa naba W.B Chilangwa)

Cila liipusho, ukufuma palyakubalilapo (1) ukushinta pa lyalenga ikumi (10) naalikwata amaasuko yane, (A), (B), (C) na (D). Iwe usalepofye ubwasuko ubulungeeme ukucila ayabiye elyo ulembe neecilembo iciyeene nobwasuko wasala pali cila liipusho (A), (B),(C) nangu (D) eepela.

- 1 Mucipaande cabumo muli umuseela uuleeti "Shaala, tamwabweele bwangu"mwa ileelosha kuli baani? [2]
- A bamuka yama
- B umwana wabo
- C bantu abashishibiikwe pantu tababalumbwile amashina
- D kalemba nomufyala wakwe
- 2 Uuleeshimika uyu mulandu taebele ba nalume ukuti taleesungwa bwino pa njanda pantu (Icipande 2) [2]
- A baleenwa saana ubwalwa.
- B tabaleesangwa pa njanda, baleebwelafye ubushiku.
- C taleefwaya ukuti bapusamine pali eena.
- D banalume baalimutemenwe saana.
- 3 Cinshi calengele ukuti kalemba abomfye insoselo yakuti 'noko wamubiyo teekatilwa pa lwino?' (Icipande 2) [2]
- A ninsala
- B kwebaulwa
- C bunkalwe
- D kutumaisha

- 4** Mu cipande ca butatu, twatesha ukuti uyu shikulu-bantu nga baati ba mwalulule pa minweene yakwe ... [2]
- A** aaleetentemuna necilitolooshi.
 - B** elyo aaleecilamo ku congo.
 - C** aaleetukana insele ishishaibiipila.
 - D** lyonsefye aaleeuminapo abeena-mwakwe.
- 5** Cinshi caaleengele ukuti uyu musambashi aleeshimika uyu mulandu abwelelemo ku kalaale kuli ba nalume? (Icipande 4) [2]
- A** Ubucuushi bwa kumushi bwalipusana no bwa mu kalaale
 - B** Utupiya twa bafyaashi bakwe twalipwile panuma ya myaka itatu
 - C** Banalume baalimutemenwe ukucila ba wishi
 - D** Ku kalaale eko aabeelelele ukwikala
- 6** Mu cipande ca bune, twaumfwa uko Chikonde aatiila `... tutaluke, ii itambaleele ..'Bushe ninshi ya tambaleele? [2]
- A** miinwe aaleesontelako
 - B** ninshila
 - C** nindupi aaleepanga akumulangula
 - D** ni mbulu iyo Chibamba amupalamikiile
- 7** Pakupwisha insoni, kashimika wa uyu mulandu ... (Icipande 5) [2]
- A** aalipeepeleko.
 - B** aalefwaya ukupokelelwa peebumba lya ba kapeepa.
 - C** aalipwile umushanga we bange anwenapo na menshi.
 - D** aaleeumfwa bwino ilyo inseke shebange shaleepooka paku peepa.
- 8** Muli ici ciine cipande calenga busaano,twaumfamo ukuti uyu mwina-musumba ... [1]
- A** ibange lyamukoleele inshita-ntali.
 - B** icalengele ukuti ibange limukole, menshi yafiko yantu aanwene.
 - C** aatilefye ashipwa ukupeepa, nokumukola lyamukola.
 - D** aalishininkisha ukuti ibange talyawama, liloonaula.
- 9** Mu cipande cakulekelesha, umuneensu atila `.... nomba elyo njiseka kufyo twaleecita ...' Bushe cinshi aleisekela pali iinshita? [2]
- A** Ibange lyalimufisha kukukakwa
 - B** Ababiye bambi balipena
 - C** Ibange lyaleemutwala kukwibila abantu
 - D** Alelanguluka ifyo cikaba nga bamutwala ku Chainama

- 10** Muli ili ibumba lya bakupeepa umo uyu munensu aile ingila aasangilemo abantu banga? [2]
- A** cine-konse-konse
B paabula
C ikumi
D ikumi na umo

Ale nomba asuka ameepusho nayambi aya yakonkelepo. Aya yena wasuke mu miseela iyapwililika.

- 11** Bushe ukulaala nomunwe mukanwa ekulaala kwa musango shi? (Mucipande 1) [2]
- 12** Mu Cibemba nga batiila ndekupuma nga iyalya amani, ciiteekwanshi baloshaako? (Mucipande 2) [2]
- 13** Lumbulapo imilandu ibili iileelanga ukuti ba nalume kwa mulumendo ali muli uyu mulandu iminweene yabo tayali bwino [2]
- 14** Fwaka mukalamba uo baleelandapo muli uyu mulandu babomfеше amashina yatatu pakumulumbula: ibange, _____ elyo na _____
Lumbula amashina yabili ayabuliilepo apo pali imipoka-poka (Ifipande 4 na 5). [2]
- 15** Pali aba ba Kalume balumbwilwe muli uyu mulandu lumbulapo babili abo twingapeela saana umulandu ukutiila eebalengele ukuti umunaabo akolwe ibange. [2]

ICIPANDE CABUNE – UKUSOOBOLOLA ICIBEMBA [30]

- 1** Lemba amashiwi ayendela pamo na aya bakupeele pamo ngeefi:
_____ wa nkonde
Ubwasuko: umuswa wa nkonde
- (a)** _____ wa bwali. [2]
(b) _____ lwa menshi. [2]
(c) _____ wa caani [2]
- 2** Lemba bwino amashinte yamashiwi yesaliilwe pakuti imiseela ilungame.
Icilangililo: Kale ifwe (-beepw-) ati iciitumbi tacakwata icinshingwa.
Ubwasuko: Kale ifwe twaleebeepwa ati iciitumbi tacakwata icinshingwa
- (a)** Mailo (-lubul-) imisha yonse nemwine. [2]
(b) Nga (-peelw-) imilimo mulingile mwapoosako amino. [2]
(c) Ilyo (-is-) tapakabe uukamuluba, nimuli uno mushi aakulila. [2]

- 3** Alula iimisela ukulingana neefyo bakwipwishe mu mashiwi aya ayesaliilwe pamo ngeefi:
Inkoko naashikula (ceefya)
Ubwasuko: Utukoko naatukula
- (a) Apo nafyalilwa, nshatala ndokwapo (kusha) [2]
(b) Utiile auti uli mushimba, mwa! (fusha) [2]
(c) Ameeno yabuuta tuutu (ceefya) [2]
- 4** Peela ishiwi naliimbi ilikwete ubupilibulo bumo bwine neeshiwi ilishililweepo muli cila museela.
Icilangililo: Mona ifyo ndekulanga. Mona eekuti lolesha
- (a) Kuti bekalilefye ukunjebaula apabula neefyo ncitile. [2]
(b) Utupiya utotwine bataata baakwete, baashitilemofye imbuto no mufundo, nookukuba twakuba. [2]
(c) Lilya naati nkakamuke, Mwila ati iyoo, aleeya tuseba. [2]
- 5** Alula aya mashiwi pakuti yabe umupwilapo pamo ngeefi
peela - Peelelela:
- (a) ya - [2]
(b) luba - [2]
(c) upa - [2]

Amashindano Yapwa

gidemy.com